

11.November

**Savaatillit nersutaatillillu inuussutissarsiuteqarnerannut nanoqartalenera qanoq annertu-tigisumik ajornartorsiutaalersimanagera, tamatumani lu tamatuma qanoq iliuseqarfigine-qarsinnaanera pillugu Naalakkersuisut misissuissasut Inatsisartut aalajangiiffingisassaattut siunnersuut.**

(Inatsisartunut ilaasortaq Aqqaluaq B, Egede. Inuit Ataqtigiit)

Nannut nunatta kujataanut nersutaateqarfinnut takkuttartut pillugit Aqqaluaq B, Egede-p Inatsisartut aalajangiiffingisassaattut siunnersuutaa soqutiginarluinnartoq siumumiik imaattumik oqaaseqarfigissuarput.

Ukiuni kingullerni nannut amerliartornerat takussaanerulernerat tusarsaanerulernerallu Siumumiit arajutsisimanngilarput, sualummik isorliunerusuni nunatta avannaarsuani kangianilu.

Nunatsinni ukiumi issittartumi, inuuffiusinnaasullu killerpiaani ukiumiik ukiumut piniakkat assigiittanngittumik takkusimaartartut ilisimalluinnarparput, kisiannili inoqarfiit ilaanni tusaamanarpoq allaat nakkutilliisoqartalersoq, tamannalu toqqissisimananngilaq qanorli nammineq najungaqartuulluni, atuartunillu meerartaqarluni utoqqartaqarlunilu toqqissisimanartanngitsingaa, sualummik kaperlattartumik najungaqartuulluni.

Taamaammat nunatsinni pissutsit piviusut aallaavingalugit, nunatsinnullu tulluuttumik aaqqiisoqarnissaa pingaarutilerujussuusoq oqaatingisariaqarpoq, Aqqaluaq B, Egede-p aarleqqutingalugu Inatsisartunut aaliangiiffingisassatut siunnersuutaa nunatta kujataaniinnaanngittoq ajornartorsiutaavoq, taamaattumik siunnersuut tapersorsornarpoq ajornerusumik pisoqarnissaa utaqqiinnarnagu taamaattorli pingaaruteqarpoq nuna ataatsimut isigalugu ajornartorsiummut aaqqiisoqarnissaanik sulisoqarnissaa.

Savaateqarneq nersutaateqarnerlu sumiiffinnilu nanoqarfiusuni ilumoorpoq nannumik takkuttoqarpat inuunermut ulorianartorsiortsitsisoqartariaqanngitsoq taamaattumik allaffissornikkut pisariinerusumik aaqqiisoqarnissaat pingaaruteqarluinnarluni.

Nanoq tassaavoq nersut qaasuttoq nerisassaminik ujarlertuartoq ukiullu ilaanni tusarsaanerulersarlunilu takkusimaarnerusartoq naleqqunnerusumik toqqissisimanarnerusumillu maleruangassiortoqarlunilu aaqqiisoqarnissaa pillugu Naalackersuisut nunarput tamaat ataatsimut isingalugu ajornartorsiummik aaqqiissutissamik misissuissasut inassutingaarput.

(Nikolaj Jeremiassen, Siumut)